



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Insignium causæ.

**urn:nbn:de:hbz:466:1-14259**

## REGIA CLARITAS. CAP. XVII.

**A** N antiquissimis Ægyptiorum monumentis cernere est mulierem quandam tribus Regiis caput insignitam. Significare ajunt id, eam regis filiam, regis uxorem, ac regis matrem fuisse. Ea vero Simandii clarissimi Regis mater fuit, de qua scriptores rerum plurima: quorum si nos diligentiam sequeremur, tale aliquid in Blancam Philippi Magni Mediolanensem Ducis filiam diceremus, quæ Francisco Ducinupsit, quæ Galeatium Ducem genuit, de qua cultissimum extat Epitaphium à doctissimo ejus temporis viro Bartholomæo Lampridio, Lyrici nostri clarissimi patruo editum. Id est hujusmodi:

*Tres Italos proceres terris ego Blanca Latinis  
Esse duces vidi, filia, nupta, parens.*



*Spiriam  
tamen.*

**B** In aliis Ægyptiorum Regiis varias gestaminum formas inspicias, quæ Regum capitibus imponerentur. Leonis quippe, aut Tauri, aut Lupi, aut alterius cujusque feræ priores partes, Draconum etiam capita, insignia principatus, pro virtutis aut operum conditione, quo quisque in argumento clarum aliquid facinus edidisset, quoque rerum studio teneretur, quorum quidem significata de simplicibus eorum Commentariis, quæ conscripsimus, requirenda sunt. Neque vero sum nescius, coria Serpentum plerisque populis tegumentorum bellicorum usum præstitisse, quibus plurimum Amazones in Lybia uti solitæ, unde quod nonnulli tradunt, Medusæ figmentum emanarit.

## PALLAS. CAP. XVIII.

**S**ane Phidias Draconem Palladi apposuisse perhibetur, quod cum optime caleret Maro, Dracones illos geminos à Tenedo in terram elapsos, post facinus in Laocoonta & ejus liberos perpetratum, ad summa Palladi delubra confugisse dicit, sub pedibusque dæx, clypeique sub orbe locum tutelæ sibi delegisse. Quod ut manifestius intelligatur, operæ pretium est, quæ Pausanias de simulacro Palladis tradidit, explicare. Ait enim simulacrum Minervæ Athenis fuisse talari veste, Medusæ capite eburno pectus obtegente, cum victoriâ, cubitorum quatuor, & hasta in manu, ad pedes vero clypeus appositus erat, juxta hastam Draco obvolutus cernebatur, quem Erichthonium suspicabatur esse. In basi, quæ statuam sustentabat, Pandoræ historia sculpta erat, quæ mulierum omnium prima fuisse traditur ab Hesiodo, & in ultionem surrepti ignis, in humani generis perditionem, emissa.

## PROTEUS. CAP. XIX.

**I**nter insignia reliqua spectare est nonnumquam arborem, nonnumquam ignem flammulis promiscantem, quandoque flores, quandoque plumas in varias cristarum species dispositas, quæ modo ad decorem, modo ad stuporem comparabantur. Quibus cum Proteus Ægypti Rex nominatissimus varie uteretur, datus est fabulæ locus, ut in tot se vultus commutaret. Quamvis non sum nescius Protei figmentum in longe seciorem intellectum ab antiquis interpretibus acceptum.

## VERITAS. CAP. XX.

**Q**uippe qui per ejusmodi fabulam, si quis hieroglyphici locutionem abhorreat, difficultatem eam ostendi dicant, quam in assequenda veritate rerum experimur: tot sunt quæ nos eludunt species, sophistarum decipulæ, atque subterfugia Dialecticorum posita, quæ veritatis speciem præse ferant, Oratorum inductiones atque foritæ multis argumentorum acervis in immensum congestæ, ut multum diuque laborandum sit, anteaquam Proteus ipse humana, hoc est, vera se facie spectandum exhibeat.

## INSIGNIUM CAUSÆ. CAP. XXI.

**A**junt vero nonnulli, insignia hæc ideo prius olim excogitata, ut Principis & ductoris sui ordinem milites in bello servarent: quibus vero res prospere successerat, animal consecrassent, cujus auspiciis



spiciis victor evasisset: cum animalia singula singulis geniiis & cœlorum virtutibus credita, persua-  
sum haberent, quos omni cultu sibi propitiōs reddere, & servare curabant, cuius aliquando numen  
voti compotes explorassent. Quam opinionem magnus etiam Jamblichus, ac pleriq; alii Platonicæ  
factionis proceres enixissimè fovere contendunt: esse quendam in rebus inferioribus congruentiā,  
ut nunc ita dicam, cum superis asserentes, ideoq; ad sacrificiorum efficacitatem conferre. Neque  
animata tantum id præstare, verum etiam inanimata, colores, figuras, numeros: veluti hexagona-  
rius numerus cum Sole congruit, in Crocodilo, in Cane rursus, & canicipite Simia. Quædam à natu-  
ra profectæ rationes, & vires, pari cum Luna temperatura deprehenduntur, ita demum colores, figu-  
ras, formasq; omnes, cuiuspiam superiorum convenire, vel animalium membra singula, ut Gallior  
ad solares genios conciliandos efficacissimum.

## ANIMALIUM CURANDORUM CAUSA. CAP. XXII.

**A**Nimalia vero apud Ægyptios ideo, dicit Jamblichus, alebantur, quia dum conservarentur te-  
nerenturque, familiarem proprietatem ad deos auferent, vimq; communionis inter homines  
deosq; conservarent. Quare Mathematici super hoc multa tradiderunt, ac nostris quoque tem-  
poribus plerique non postremæ eruditionis viri, certis quibusdam siderum momentis imaginu-  
las huiusmodi signant afflatu captato, ut astri genii illius tutela, quibus se vel à genesi, vel à pro-  
fessione, vel etiam ab eventu aliquo commendatos credunt, fortunatiores simul ac beatores hant.

*An propter  
alimoniam,  
sanitatem,  
damos, ve-  
stes focum  
chylacos &  
sapores.*

*Ad hoc Pli-  
nia 23. c. 8.  
A. Cellius  
lib. 5. c. 6.  
Propter o-  
leo semen-  
tum mem-  
brorum.*

*Legendi Ge-  
niales dies  
Alexan. ab  
Alexandro.*

*Quia credi-  
tu Ceres.*

Sedenim omnia hæc irrita sunt: ac penitus summoventur, cum sanctissimum Christi nomen in om-  
nes huiusmodi delusiones opponitur: inde enim omne bonum, inde felicitas vera, & incursura  
beatitudo. Sed ut susceptum prosequamur negotium: in honore plantæ etiam fuerunt, ne legumi-  
na tantum, ex iis quæ terra nascerentur, cultu suscepta existimemus. Phœnices enim plantas divinis  
honoribus coluere, ut apud Eusebium, & castu aliquo avulsas terra, aut alio quopiam eventu inter-  
mortuas, miseratione, luctu & deploratione, ex patrio sacrorum ritu profecti sunt. Ad horum se-  
re imitationem non arborum tantum, verum herbarum atq; florum observationes alias alia de cau-  
sa excogitavit terra Græcia, uti lauream pro triumphantibus, & iis qui immortalitate dignum ali-  
quid perpetrassent: quænam pro iis qui civem servassent, oleaginam & alia quædam pro Gymni-  
cis, de quibus multa passim Græci tradidere. Namq; hi Pandoræ primum caput ponunt coronatum  
à Charitibus. Saturnum Pherecydes ante omnes coronatum ait. Jovem Diorus post evictos Tita-  
nos. Idem Priapo tœnias dat, & Ariadnæ fertum. Junoni vitem Callimachus, de quo alibi ex Ter-  
tulliano. Hercules nunc populum, nunc oleastrum, nunc apium capite præfert. Suam Apollo iau-  
ream, post Delphicum Draconem interfectum, de quo Pindarus, atq; Callimachus. Liber hederam,  
cujus rei causam loco suo, ex Harpocratiōe recitavimus, quamvis idem India triumphata lauream  
tulit: namq; is ut Saturninus, triumphatorum Deus habitus. Milites idem ait etiam myrto, quæ pro-  
pria Veneris est, coronari solitos, quamquam & olea, quæ Minervæ debetur in primis, redimi-  
ti aliquando processere. Prætereo castrenses, murales, & navales ex auro dari solitas, & quæ late ha-  
bentur apud Gellium, Suetonium, & alios, & quæ vulgatissima sunt de insignioribus, Græciæ cer-  
taminibus. Olympiis, Isthmicis, Argivis, & Pythiis, quorum præmia, oleaster, pinus, apium & ma-  
lum erant. Unde illud apud Max. Tirium: *Minimè fas est oleastro malove coronari, qui scum ipse de-  
ceret; ut victor præconio declareris, opus est amulo.* Sed ne videamur immemores Ægyptiorum, his pri-  
ma reperta spicas capite circumtulit, quod Leo scriptor Ægyptius tradit. Et ut nostrarum quoque  
literarum monumenta prosequamur. Eva omnium prima, diceret Tertullianus, pudenda sua foliis  
coronavit. Sed qui plura his petierit Claudii Saturnini librum quem de coronis edidit, inquirat,  
qui Tertulliano teste, & origines, & causas, & species, & solennitates earum ita differuit, ut nullam  
gratiam floris, nullam lætitiæ frondis, nullum cespitem aut palmitem non alicui capiti invenias  
consecratum.

## LEGES. CAP. XXIII.

*Coronam ne  
canserit.*

**A**D coronarum demum hieroglyphica reversi, coronam dicimus legum indicium esse, propterea  
quod certis est vinculis complicata, quibus vita nostra veluti religata coeretur. Atque hæc D.  
Hierc.